

pressos et non modicum pregravatos, iidem principes in hoc^a unanimiter^b concordarunt^a ac taliter uniformiter sunt uniti^b, quod ipsum imperium ac se ipsos . . electores in suis honoribus, iuribus et consuetudinibus pro suis viribus volunt manutenere, defendere et conservare^c, prout eciam ante quilibet eorundem . . electorum ad hoc faciendum non inmerito tenebatur. Igitur, clementissime pater, ad vestram beatitudinem una cum aliis principibus prefati imperii electoribus duxi humiliter recurrendum, eandem vestram beatitudinem in ferventi devocionis constancia exorando, cum conservacio honoris, status et iurium imperii in profectum et honorem sancte matris ecclesie non sit dubium redundare, quatenus more pii patris ad hoc clementer intendere dignemini, ut prenotatum imperium ipsiusque . . electores vestri et dicte^d sancte Romane ecclesie devoti filii in suis honore, statu et iuribus conserventur. Super quibus vestre sanctitati lacius exponendis ad eandem vestram sanctitatem una cum aliis meis conprincipibus mitto tales et tales, vestre clemencie humiliter supplicando, ut eorundem nunciorum relatus fidem adhibere dignemini ac ipsos super supplicationibus in premissis vestre sanctitati offerendis de solita vestra clemencia benigniter exaudire. Preterea, clementissime pater, cum ex illo doloroso dissidio, quod inter sanctam Romanam ecclesiam et dominum Lud(wicum) de Bavaria ad dictum imperium electum iam dudum est exortum, non modica scandala et animarum pericula tam in Alamania quam aliis mundi partibus provenerint et timeantur adhuc multo^e maiora pericula verisimiliter proventura, eo presertim quod eius potencia et opinio de die in diem non modicum noscitur augmentari, vestre beatitudini supplico humiliter et devote, quatenus ad illam devocionem, quam gens Germanica et eius principes ad sanctam Romanam ecclesiam hactenus habuerunt, vestre beatitudinis intuitum convertentes^a, prefatum dominum Lud(wicum), qui ad condignam satisfactionem se offert, ad gratiam ac sancte matris ecclesie gremium recipere et admittere^b dignemini ac^f taliter piis remediis providere, ut dictum dissidium sopiri valeat et sedari. Super quo eciam, quod idem dissidium pro laude Dei, vestro ac sancte Romane ecclesie honore tociusque populi christiani salute sopiatur, ferventi

a) Hiernach über der Zeile 'va'. b) Hiernach über der Zeile 'cat'.
 c) Hierzu am untersten Rand des Blattes: 'ac deperdita et neglecta . . . (2 — 3 Worte undeutlich) restaurare'. d) 'dēi' Hs.
 e) 'multa' Hs. f) Durch Unterstreichen getilgt.